


Ositrán, jatibienko Perú ainko iká



Shipibo-Konibo





Natoriki Organismo Supervisor de la Inversión en Infraestructura de Transporte de Uso Público akaibo oina

Sukotai cuento yoi tanankana “Ositran, jatibienko Perú ainko iká”

Cuentobo tanananka pikota kikika

Verónica Zambrano Copello

Consejo Directivo Koshi

María del Rosario Bazalar Huamán

Oficina de Comunicación Corporativa koshi

Jato katotai jonibo

Ricardo González Vigil

Anahí Barrionuevo

Leonardo Dolores Cerna

Tananankabo:

Bakebo Ika

Jan rekenpari ganana tanananti

Comas ika ocho jeman ka

Matheo Valentino Rodríguez Alemán

I. E. Alexander Fleming de Arequipa

Rabe pekao ganana tanananti

Osi ocho jeman ka

Lucero Shantal Fernández Shupingahua

Colegio de Alto Rendimiento de San Martín

Kimisha pekao ganana tanananti

Terminal iki Ronin ibi yoi

Jhony Armando Retis Caballero

Colegio de Alto Rendimiento de Ucayali

Onamamis Jonibo Ika

Rekenpari ika ganana tanananti

Tanaparika bai

Jerver Lenin Gonzales Toledo

I. E. John F. Kennedy de Ica

Natoriki Oficina de Comunicación Corporativa kirika aka

Primera edición, noviembre 2024

Biblioteca Nacional del Perú Ain wishama N.º 2024-12339

Jainxon imprimina Inversiones IAKOB S. A. C.

Jr. González Prada 615, Surquillo

Benkoshin aini

Jaskatibo iká

Nato tananti axon bakebaon jaskaxon jatonbi jakon akin wishata babakebo axeai itanribi bakebo onamai jawe kopíki kikin jakon jaweki iki infraestructuras de transporte de uso público jatixonbi onankati jaskar iketian “Ositran, contigo por las rutas del Perú” ikaitonin imai itai, jaska ikax nato teebobichoma non aki itai bakeboribi non axemai itai jaxson jatonbi nato non tebo akaibo onankanti kopi.

Jaxkara ixon nato iskon akin jato tanama ikainra, non beke 240 kirika akai secudariankonia bakebo natiriki 3.^{er} itan 4.º gradoinoabo jaskaribi profesorboribi, neskaxonkaya nato bakebaon meskokeskabo wishaibo jato onamakin jaskaxon neskataxkaya jato onankana iti kopi wetsa jonibaon itan nato bakebaonbi jaton wishabo oinkanti kopi libronkobo.

Nato bakeboanbi cuentobo jatonbi jaton ikatoninbi itan shinantanan akabo, natoboriki ika aeroportobo, carreterabo, via ferreabo, línea de metro ikaibo, neskarabonkaya noa imai ja “El viaje de las comas” ikai jawekibaon, jaskaxonkaya nonbi onanti kopi oa ani xobo akanaibo itan ani jaweki akanaibo itan bená jawekibo akanai non jamabaon onanti kopi, jaskaribi nato “Viaje de Osi” akana boribi, nenora noa yoiyai nato kirika noyaibo onanti ja noyatana aeroportonko paketaibo ointi, jaskaxonkaya nato baken ja akasai keska iti kopi.

Jaskaribi nato “La leyenda de terminal y la yacumama” ikabo, nato cuetoninra noya yoiyai jawekeskaxonki non repintibo non kerasmabo iti itan non jakon akin koirantiki ixon. Jaskaribi nato “Caminos de prueba” nenora non oinai jawe kopibi kikin jakon jawekiki nato noa carreterayabo iti, jaskaxonkaya non jatixonbi noa jakonax iti kopi.

Nato baritiara, nato Ositraman jato onamakasai nato Arequipa bakebo, San Martin bakebo, Ucayaliainoa bakebo jaskaribi Icanckonia bakebo y tan noto nato profesorboribi jaskara ixonra nonribi irakea aka nato non Oficina de Comunicación Corporativa ja nato neskakin jatibienko noa ikina kopí.

Jaskaribira non irake akasai ja nato tanananaibo jato katota jonibo iká, nato joniboriki moatianberes wishikin peoni jonibo ja iki Ricardo González Vigil, jaskaribi kirika jakaibo oinai ainbo ja Anahí Barrionuevo itan ja Ministerio de Culturanin jawen director del Libro y la Lectura, Leonardo Dolores akanai joni.

Jatianra non jakiribi Ministerio de Cultura nato baritia noa jakiribi akina kopi non irake akai ja nato cuentono wishatanan ganankana noa kotokina kopí, natora akanke traducenkin sokoka meskokeska joinbo, jaskaxonkaya non joinbiribi non yoyo akanti kopi.

Verónica Zambrano Copello

Koshi presidenta del Consejo Directivo del Ositrán

Comas ika ocho jeman ka

MATHEO VALENTINO RODRIGUEZ ALEMÁN

I. E. ALEXANDER FLEMING DE AREQUIPA

Bakebo Ika

Jan rekenpari ganana tanananti

Westiora bake ronki ikaiki jema maxkoko Puntovía akanainoa, manaman winobaina westiora paro yosho yoshokaina. Jainao jonibo ika iki kikin raro shamanbo itan teetaibo, ikaxbi westiora jakoma jawekia ikanaiki: jaton bai jan kati ika iki kikin jakoma.

Ja carretera rekena, ja ika iki vía ja comas akanai, ikaiki kikin chanko chankotani, itan ja tráfico ika iki kikin bires jakoma. Ja presidente, Don Elocuente, jaskara iketian shinanaiki moariki hora neskara jaweki benxoati ixon.




Westiora nete bari koshi, Don Elocuente aka tsinkiti
shinan ja plaza jemana ikainko, ja jonibo bekanaiki
ja kiosko de Periódico ikainko, jaskaxon ninkati kopi
ja presidente, mapeta ja estrado ikainko itan kikin joi
koshinshan yoiyai:

—¡Nokon noi jonibo, non noiya
Puntovía jara maxkate jakon jawen
bai jan kati jakon iti!



Jakopira, en shinanke
westiora proyecto peoti jakon, ja
westiora puente ati jene manaon.
Ikaxbira ja wetsakeska puente
iamaikai. Ja ikai Puente de los
Puntos Suspensivos akanai.





Ja jonibaon meken tash akanai, kikini rarokin.
Ja presidentenin chibanaiki:

—Nato puente jaya ik ikai kimisha torrebo
kikin jakon, ja westiorabo ik ikai coronameta
ja westiora punto suspensivo akanai. Jawen
chikera ik ikai metsaika ja comillas akanaiton
itan yame joetai jainra iki neskara signos
metraira ointishaman.

Ja ingienerobaon peokota iki teeti. Ja mai
chini ja mai potai, itan jain teetaibo akanaiki
cimeintobo. Las comas, jatibitian niakataibo,
oinaibo ja tee akanai. Puntobo itan rayabo
akanaiki tsinkikin ja vigas akin ja puente
ikainko. Ja interroganes akaibo ikanaiki
yoka kati jakonmein ikai iki.



Moa senentian, nokotaiki ja inauguración nete. Ja jonibo ja Puntovía jakabo tsinkikana iki ja paro kesha. Ja presidentenin xateaki ja cinta ja neskara peneshaman itan Puente de los Puntos Suspensivos akanai ja akanaiiki kikin jakonshaman akin.

**PUENTE DE
LOS PUNTOS
SUSPENSIVOS**

 **OSITRÁN**
Contigo en tu ruta

Ja bakebo istokanaiki jemanko, metotanan
las comas akananai ja chiche ikainko.
Ja choferbaon chitaiki ja puente kikin
osanyashamanxon, kikin bires akin
ratexon oinkana ja puntos suspensivos
akanai ja ika iki kikin keya nai bochi
ika. Itanribi ja signos de exclamación
akanai ika iki kikin biri ishamani.



ENTE DE
PUNTOS
PENSIVOS



Jainoax, Puntovía aniaki. Ja
turismo ikaiki kaiti, itan jain
merati bekanai ikanaiki
nokoti jainoax foto tseketi
ja comas y los puntos
ikainko. Ja presidente,
kikin raroshaman ikaiki,
jainxon jato joi yoiyaiki
senentian:

—Nokon noi ebe rainanaibo, shinanon ikanwe jatibitian
ja nos jati aka riki cemento bichoma itan acero.
Jaribiriki nokon onan shinan itan non kenai jakonas
ninkakananti. ¡Ja puente de los Puntos Suspensivos nos
koshi meniai chibanti ati neskarabo non nokoti jawekibo
ja riki kikin icha noa akasai jaweki!

PUENTE DE
LOS PUNTOS
SUSPENSIVOS

 **OSITRÁN**
Contigo en tu ruta

Osi ocho jeman ka

LUCERO SHANTAL FERNÁNDEZ SHUPINGAHUA

COLEGIO DE ALTO RENDIMIENTO SAN MARTÍN

Bakebo Ika

Rabe pekao ganana tanananti

Ea kikin niai ikax jatibianko, ikaiki otatoshiti ja Callao icha ikanainko, jatian ea karibaiki ja bainbi netetibi, jain ikaiki kikin jatsan jemanko nato jema ikainko jain jati ikainko, ja moa ochoma Terminal de Embarque de Concentrados de Minerales ikaiko. Ea kaiki jaimashaman, oin oinbaini ja autopistas teebo akanai, ja ikaiki shakoti jai carrobo itan jonibo winotainko, jatian, en ninkataiki westiora ninkati jakoinra.





Jatian becheakexon, en oina ikaiki champo jiwi jisa mainko, jara ikaiki westiora isa jisa jawen colorbo jishtima ja bari iketian kikin peneshaman, ikaxbi jawen yora ikainki rateti; jara ikaiki paketa jawen poyan tobita jisa ikaiki, jawesmaribi, en ochomakainaiki jaimashoko. En meken meskaxon biaki itan en oinaiki jaken maskoshoko nato neten jati, ja basima, en shinanaiki noa nokoananke ixon. Jara maxkata ikaiki akinkanti itan eakan, ramatian, ea maxkata ikaiki westiora jabe rainanti, jan ea ikinti nokon niti bainko.

Xobon nokoxon en oinaiki jakonshan akin jawen tobi ja champo jiwi jisa. Kikin akin noibaxon itan jakonshamankin en vendabo maxkoshoko ja caja primeros auxilios akanaikonia en biaki itan, ja en venda jawen pei axonaiki, en shinaiki jaweska isin jan tenai ixon. Jawen jane en meniaki Osi, ja ikaiki ja en shinanxona ja institución jan oinai ja tenaman ja ochomakea en mera ixon. Jainxonribi en shinanaiki kikin raroshaman itan jakoinra ikaiki jawen pei color.






Ja yamekiri, en shinaiki moa westaresbi iki. Ea
kenaiki ja Osi onanti nokon jema, nato nete kikin
color icha meskobo en oimati noko maxko xobo.
Rabebira noa chankatai ixon ja centro comercial
akanai itan non onanai
supermercados, nonra nokoai
bena jaskati jati nato jemanko
ja Osi ikaiki raroshaman
jisa. Ja noa kaikobo, jara
ikaibi jan oina jakoinra,
kikin meskokeska axetibo ea
onankasaiki nokon yosi jointi.

Osi ikaiki ja alarma jisa. Ja yamekiritibi, maxkayamaiki, ea jeshten akaiki itan ea raroakaki, ea ikinaiki nokon xobon. Jeneyamaiki neskara aki jaskara ikebi en xaweaiki nokon ani maiti ja paja akanai itan baston ja en boitian ja kikin basi bebon 20 baritia, ja pekao e ajan kakepiti jakonshamanax itan en biaiki nokon mekenma ja nokon batonco ikainko.



Westiora nete ikaiki, ja noa chankati kaketian plaza
armas ja Callao ikainko, freno ishton akaiki ja avión
ron ikaitian nainko jatian ikaiki jawen pei kikin
peseshaman barín tena. Osi oinaiki kikin ratekaixon
jabi ikaibi ja moa yeyokaini, jawen beronko ikaiki
kikini kenai, jara ikaiki noyakasibira, ikaxbi
jawen tobi benxoamapari ikaiki jakoni, ja
maxkapariaki koirameti itan chibanti
ja westiora cadena jishtima jisa ja
ochoaka jawen jati netenkonia,
ja ochoaka kikin akin...





Jaskara iketian en shinaiki jaweskamein
jati ixon. En onana ikaiki, ja moa benxoax,
Osi noyati atipanke, ikaxbi ¿jatian jawen pei
jawetianbi benxotimaiki jakoni ixon? Jaitian
ea onisaiki jatian ebe ikaibi en jaskara shinanbo
akaitian, itan nokon jointi ea xepotai keska ikaiki,
ikaxbi, netetibi noa noiyananaiki, noa jakoinra
raenanai ikaiki jaskakin shaman joi yoitikoma.

Westiora yamekiri, noa chankati axea, noa kaiki ja aeropuerto Internacional Jorge Chávez ikainko. Ja avionbo ikanaiki jain rakakanabo moa viajani noyatires naiko. Osi oinaiki ratekainxon itan shinani jisa ja avión jisa ibata ixon. Jatian noa nii karesaiki itan jan jaweshinanbabi iketian ea ikaiki avión jan noa viajani kanoxon. Osi ikaiki nokon batonko ikainko, ja ikaiki westiora ota kikin akin ea noiya.



Jatian nokon yakati ikainko
ea nokotaiki, jatia moa kati
nokoketian. Onana ikaiki
ea moa yosishoko ja viajani
itan tsoabi yama ikaiki ja
oini kati, ikaxbi ea kenaiki
Osi noyatini, ikaxbi jawen
piekanma itan ja cabina
avión ikainko.



Ja moa avión noyaitian, kikini ea raroaiki.
Osi oinaiki ventanaiko, jawen bero
jawetianbi jaskakain tenayosma jan
oina. Ja moa bochiki kaitian, jawen
yora maskoshoko ikaiki saki saki
iki ja niwebo chakaketian, itan en
oina ikaiki noa rabebi noyai, jara
ikaiki kikin nokon shinan ja en
senen atibo en shinana. Jawetianbi
en shinanama ikaiki noyati itan ebe
raenanai betan jan ganana nokon
maskoshoko jati yosi yointi.



Ja moa nokoxon
noa jain kainko,
ja aeropuerto
Cadete FAP Guillermo
del Castillo Paredes
ja región San Martín
inkainko, bena nai ikaiki ja
ikaiki nokibi paketa jisa. Noa
paketaiki jakonax ja avión
ikainoax, itan jakorna ikaiki,
ja ikaiki noa maskoshoko alarma
jisama ja Callao jema ikainko,

jamakana ramakaya rabexonbi
non onanai nato nete ja non oina
chopetai jisa non beronko, non
jati raroaikai non onani kaibo ita
shinanbenotima jawetianbi ja non
paronko. Ja ea kenai jaweki en
nokai ikaiki, Osi noyariba ikaiki,
ja kenai keskashamanma moa
ikatia keskama, ikaxbi en atipana
kaman akinaiki ja raroti kopi
jakiribi, ja maxkokonin nokon
jointi kikin akin ganana
ikaiki itan en shinanaiki
koiranti ja mawatai
kaman nato netemeax.

Jatian ribi, ja riki kinkin jakon jawekibo akai ja aeropuertobaon non mainko jatibiainko, jabaonra akai nokomakin meskokeska jema ikainkobo ja norte, oriente, centro itan sur ja non Peruanko. Jaskara riki infraestructura de transporte concesionadabo jabaon nokomai wetsa jati ikainkobo, jara non ati jake jaton yoa akanabo noishaman, jaton axebo onanti itan jaton ikabo ja jemabo ja costa, ja sierra itan non paronko. Irakae ja neskara jan katibo, Osi itan ea noa nokotaiki noa jain kati shinanan ikainko, ja non paronko peruaiko.



Terminal iki Ronin ibi yoi

JHONY ARMANDO RETIS CABALLERO

COLEGIO DE ALTO RENDIMIENTO UCAYALI

Bakebo Ika

Kimisha pekao ganana tanananti

Kikin jatsan terminal tenenaman, ja lanchabo itan nontibo bokanai Ucayali paro ikainko, yoikanai montian ini jaweki. Jonibaonra yoikatakanai ja paronko jake Ronin, rono kikin ani janronki non maibo koiranke.

Luis, westiora ranon teneman teetai, itan Pedrito, westiora bake kinkin yokamis akinkatitai ja terminal ikainko, janra onana ikatiai ja leyenda Ronin. Ikaxbi wetsabaon shinankatitai ja riki cuento ixon, jabaon shinanaiki nato winokanin jaweki ikainko jake jakon jaweki ixon.

Westiora nete, ja bari pikoyamai jishtima ikaiki nai koinman mapoa, Luis itan Pedrito akaiki oinkin ja paro ikaiki jene beai keska. La bechon ikaiki jikin ani itan ja nene ikaiki sero. Ja lanchabo ikaiki chakoti tsonbi tsonbi jenemati jisama, itan kikin nowe koshi paketaiki jawekibo keyobotani. Ja teneman ikaibi tsokas jaskayosma ikaxbi.





Luis itan Pedrito shinanaiki onanti jaweki winotai ixon
itan jatian manainko mapexon. Pedrito, jawen bero
anixon onankasbereskin, jainxon oinaiki jene ikainko
jaweki jisa: jara ikaiki kikin sankenshaman non paronko
janra tenaiki ja paro naponbekon. Ja jakonshaman
akin oinkanaiki, ja manaxon oinkanaiki ja wetsa
manaori jakomacha; ja bai ikaiki chawa itan jiwi
pakesko jenemeran toshbatabo.

Jan oinaikaman, Luis itan Pedrito shinankanaiki
ja onpax ikaiki kikin cero. Jain ikaiki jaweki
kerasbo toshbata, jawen ja ikaike jakoma poti.
Ja contaminación ikaibi bei ja jonibaon keras
akainoax jabaon kersabo potai ja paronko
shinaxonmabi ja jakoma jaweki jabaon akai
ixon. Ja ronin, ja neskara leyenda ikainko,
jara ikaiki moa sinata jawe jati ikainko moa
contaminankana iketian.





Ja roniman moa jawekibo ras akin peowea ikaiki:
jikin akin mai shakonkin, lanchabo toekin ja komaki
akintani akanbo, itan kikin akin corrientebo potai ja
jonibo teetaiboki kikin onsa. Jara ikaiki kikini sinata
itan abakanon oinkin ixon ja jakoma jawekibo ja
paro akanarin ixon.

Luis itan Pedrito onankanaiki nora jawe ati jake ixon ja Ronin tantimanoxon itan paro ikainko kerasbo potatiki ixon. Ja tenaman teetaibo tsinkikanaiki itan yoikanaiki jabaon oina jaweki. Jatixonbi jaskara ati shinankanaiki westiora ceremonia axonti ja manainko jaskaxon irake anoxon ja Ronin itan yokanoxon noara ochake akin non jakoma jaweki akabo iketian nonra contanimanke akin.

Ja ceremonia akanaiki moa oxe jikiketian. Jakon akin benxoakin rao akanaiki joabaon ja manan itan menikanaiki jawekiatibo ja región ikaixon jawekiakanaibo; jain ikaiki ja paranta xoi chachi ja kochi namiya itan mingado ribi. Ja ceremonia akanaitian, jatixonbi shinankanaiki koiranti ja paro itan moa contaminantima. Keras imatima itan koiranti jara ikai kai rama non senen atibo netetibi ixon.



Ja akanaitian, ja paro jene jenepaketaiki. Ja
bechon ikaiki moa masko maskopaketi, ja niwe
jenetaiki, jainoax ja nenaman moa jakonribiaki.
Jainoax, ja tenaman moa jakon iribaiki,

ikaxbi moa jakonshaman ikaiki ipachoi jisama.
Luis itan Pedrito oinkanaiki ja tee akana ja
terminal ikaiko moa jakona itan jain ikanaiki
jakoinra. Ja teetaibo moa axekana ikaiki jaskasra
jaweki atima itan shinan akana ikaiki kerasbo
paronko potatima.



Ja terminal tenama ikainko ja jain marotibicho
ikaiki, jakaya ikainki kikin jakon jaweki Ronin
respetanti. Luis itan Pedrito axekanaiki jaskaxon
koiranti non mai itan respetanti moatian leyendabo,
jara ikaiki koiranti jakonsha akin nato netenko.



Jaskara ikaiki, ja roninman tita
paro koiranki jeneyamaiki ja paro
naponko ikainxon, raro shaman
jonibaon moa shina akanketian
jawen shinan ikaiki koiranti jain
jati kikin akin noiya.

Tanaparika bai

JERVER LENIN GONZALES TOLEDO

I. E. JOHN F. KENNEDY DE ICA

Onamamis Jonibo Ika

Rekenpari ika ganana tanananti

Onantima itan tsokax shinan shinanmeran

Jara peokotaiki ja miércoles 7 diciembre oxe ja 2022. Jara ikaiki ea moa preparameta ja examen del concurso de ingreso a la Carrera Pública Magisterial 2022 anoxon ja Ica jema ikainko, japekao ja semana en kirika axeaki. Ja en shinana ikaik: tantiti ja yame itan viajanti yamekiri shaman nete shabataitian.




Ikaxb, jan nokon thokas shinan peokotaiki ja presidente Pedro Castillo akasaiki autogolpe de Estado akanai. Ja noticia

ikaiki tsokas jainoax jakoma non paísainko. Ja instituciones jabaon jen ayamaiki jen akin ja neskara jaweki aketian, itan ja ministrobaon renunciakanai.

Tsonbi akinyamaiki militarbaon itan wairorobaon,

ja golpe iamaniki, ikaxbi non paísainko noa jatikibi ratekanai. Ja panamerica sur, ja riki ja sector onankana Barrio Chino (km 262) akanai, ja distrito de salas Guadalupe, región Ica ikainko, ja banetaiki xepokana, jain nokon ati shinanbo xepokanaiki ja neskara jakoma jaweki winoketian.



Jatian ja yame ikaiki atikoma jaweki tsokas, ja ea tsokas ikaiki, ja ikaiki kikin tiempo nenkekainberisi teneti jisama itan, jainoaxkan, ishtonbires; ja redes sociales ikainko winotaiki jain yoiki jeneyamakanaiki ja carretera xepotanai akin, itan en ikon ashamayamaiki ja eaki viajanti iki iamax katimaiki ixon ea nokos shinan yometsoakaiki. Nokon shinanra ikaiki mayatai jisa meskokeska shinanbo pikoti; en onana ikaiki en akasai jawekibo itan nokon kaibobaona ja ikaiki manakana ja examen en atin, ja noticiabo kikin akin yoikanaiki ja redes socialesbo ikainko.



Ja institucionbo jen ayamaiki ja ikaiki
kikin ishton, itan ja paísainko jatibi
ratekanaiki. Jatiankan ja jemankobo
ikanaiki kikin tsokas ikaiki. Jatian nokon
tsokas shinan kikini kaitaiki ja ea beyosai
keska jenetikoma. Ja viajanti Ica ikainko, jara
ikaiki onantima, jara ikaiki kikin atikoma jaweki.
¿Jaweskataxki nokotiki? ¿Eamain katiki ixon?
Jatian moa yame ikaiki ea moa oxakasi.
Jatian moa nete rabatai rabe hora
iketian, nokon papan, ea oinaiki kikini
ea onisai, ea pataxon yoiyaiki:



—Bake, miara rama kati
jake akin. Noara ayorakin
manati atinpanyamake.
Jawen joi, ratetama ikaiki
jakonres, jawen masa
shinan onantima ikaiki
jaskara non shinana
ikaiki rabenxonbi.



Ikaxbi ja yame ikaiki nainko, noa kaiki
ja moto lineal akanaiton itan noa kaiki
ja terminal carrobo pikotainko. Ja
bainko kaki nea yoiyaiki ja jan viajanti
yamaketian Ica jemanko, janra ea boai
ixon jawen moto lineal akanaiton.

TERMINAL DE BUSES

Ja jema ikaiki kikin
tsokares, jatian ja
ati jawekibo ikaiko
yamabires, jai ikaiki
pasaje ja Pisco jema
kaman. Jatian en
shinan ikaiki eara
jain baneti kai ixon,
jainxon en nikataiki
westiora joi ea
neskakin yoiyaiki:

—Miaki lca ikainko kai? Jawen joi ikaiki kikini ishtonbires kakasai jaskra en shinaiki. Jara ikaiki axeamis, ea keskaribi jaribi nokoti ikaiki yamekirishaman jawen examen de nombramiento aki. Jabetan noa kaiki itan jawen awin, jawen wetsa itan westiora jabe rainainai, jatibi ikaiki axeamisbires ja, ea keskaribi, jaboribi ikaiki jakon jaweki nokokasaibiri ja examen ati ikainko. En oinaiki, ikon ashamayamakin en yoiyaiki.

—Eariki axeamis, mia keskarib. Nonkon awinribiriki axeamis, itan noa nokoti jake ja examen de nombramiento anoxon. Nonra ati jake. Jawen shinan ikaiki ati, itan jainxon shinanaiki, en shinanaiki eabichoma ikaiki neskra jakon jaweki nokokasai ixon.

—¿Jaweskaki min shinani? ¿Miaribiki akai? —ea
yokaribaiki itan, ja en joi yoiyamabi, wetsa axeamisnin
janpariakin yoiyaiki:

—¡Eara matobetan kai! —kikin shinshaman jawen oinabi
ikaiki jawen shinan ponteres; westiora segundobira en
shinaiki, nokon papa oinxon, ja ikaiki netekaina.

—Eara matobetan kai —senentian en yoiyaikin, ponteres
shinanbaixon kokon batonkoinbi iwe jisa ikaibi itan,
nokon shinan ikainko, nokon awin itan nokon bake.

En jena ti shinaiki ena yoikanketian, en
onana ikaiki ja viajanti ja ik ikai onsa, ikaxbi
en ponteres shina aka ikaiki ja oinaikobi ja
axeamisna janra ea shinanmeniaki.

Nos pataxshoko ikanaiki chosko joni ja taxi chinitainko, jara jawemabiki ikax itan rate keyokaini, ja noakai jatibi raketaibobires itan jakon nokosaibo. Non jointi ikaiki penpen iki itan nokon pamo kikin icha tsokas shinan, en nokon papa moara ea kai akaiki, jawen oina ikaiki ratekaina ikaxbi rasoshaman shinanya ea oinax:



—Koiramewe, bake —akin ea winkaskiranon yoiyaiki ja moa noa potanaitian. Jaskara ikaiki, nato paísainko jakomabires wintainbi, jabira noa kaiki vaijani lca ikainko, onanaxmabi ja bainko jaweskabira ikaixon onanyama. En onana ikaiki ja vaiajera onsa ik ikai ixon, noariki jato ikon ayamai kai keska ja reglabo senen atibo ikebi, ikaxbi no moa baneti jisama ikaiki.

Ja onantima bai

Ja moa taxi ikainko pichika joni noa ikax, ramakamanbi jaton janebo en onanyamake ikanarin nombrameti ixon, ikaxbi kikin akin akin jato irake aki, jainra non viaje peokotaiki ja chinchá ikainoax ja Ica ikainko noa kaiki. Ja redes sociales ikainko, noa yoikanaiki ja carreterariki ja plantad de Aceros Arequipa ja Pisco ikainko jainriki xepokanai akin itan tsoabi winoyamai akin. Ja axeamis, jan oinaiki itan jawen shina ponteres aka ison oinaiki, neskataiki:



—Noara jikiti iki ja Pisco Mashikiri, jainea noa winotai San Andrés itan noa pikotai ja Paracas ikainko. Jainoaxra noa banetai Panamerica Sur ikainko jaskatax noa kai Ica ikainko.

Jan shinana jaweki ikaiki ikon ik ikai
jisa. Ramakara, non winoke westiora
centro poblado Pozo Santo akanai
itan noa ikaiki kikin raro shaman. Ja
carretera Panamericana Sur ikaiki
xaba, tráfico yama itan xepokanama.
Ikaxba ja tsokaxma shinan keyotaiki
ja asentamiento humano Barrio
Chino ikainko. Ja carretera ikaiki
xepokana itan nopekai ikaiki
kikinbires taxibaon kai joyota.
Ja jawetires winokasaibo
akanai makaman
tsakakin iamax llantabo
toshanankanaiki.

—Noara neno baneti
yamake —jaskataiki ja
axeamis kikin ishton.
—Moariki nete xabatai ja chosko
hora itan examen pekotai posaka
hora. Nonra shinanti jake ishton.

Nonra shinanaiki baneti jaskatax kanoxon. Ja nokotax ja Pozo Santo ikainko, jainra yama ikaiki bai jishtima. Ja Google Maps oinxon, ja axeamisnin beraiki westiora bai ja peokota ikaiki ja xepoti xepo itinainko. Nonra benaiki jan koiranai ja noa kepenxonti kopi, ikaxbi tsoabi yama ikaiki. Moa senen tiain, westiora axeamis, kikin shinan ponte, xotonaiki ja xepoti itan kepemetaiki.



—Minki onana nato bain katiki jakon? —axeamis en yokataiki, ea ikaiki kikini ratekaina ikaiki nokon join iakainbi.
—Jabichora ikaiki non chinita katoti —jakonshamanki ea ponteres yoiyaiki.
—Nonra tanati iki. Nato bainra noa boai lca ikainko.

Noa karesaiki ja bainbi, ikaxbi ikaiki kikin mashi jawetianbi keyoti jisama. Ja señal telefónica ikaiki moa yama itan jabi non chibanresaiki ja ibaikana jisabo oinxonres, jara ikaiki jishtimashoko. Ja noa kairibi ikaiki, jain non nokoa iki icha taxibo ja wetsaorikax bekanaibo.

—Jaweti basibira ikanaibi ja Ica ikainko nokonoxon? —jaskara yokataiki ja axeamisnin ja wetsa taxi ikaikoniabo.

—Bebon posaka horabo —akin yoiyaiki ja jonin, jaskara iketian noa ratebaina iki.

Jara ikaiki moa nete shabatai pichika horabo itan ja examen pokotai ikaiki moa kimisha hora maxkata. Ja axeamisnin, noa tsokasnaketian neskaki yoiyaiki:

—Jabora bekanke yame. Nonra atipanke.



Chibanon ikanwe, ja mashinko kikin nenke ikainko noa bekeiba ikaiki. Noa yoyo ikaiki jaskaxon non koshi shina biti kopi.

—Noara nokotai ja wetsa manan mashi ikainko, noa iki kai ja jene Huacachina ochoma —jaskakin noa yoiyaiki ja axeamisnin, ja nos koshi shina bimakin.

—Ikaxb tsoabi yamabires ikaiki, noara manobirake —wetsan jaka akin yoiyaiki ratekainxon— lakaxbi mashi kikin isha ikaiki.

Ja noa retayona kikin onantibires, ikaxbi oa ochoxonbi oinax ja westi empresabo itan xobobo, non jakon shinanaiki. Senentiain, noa moa kokotaiki ja centro poblado Carhuaz akanainko. Non raroshinan ikaiki kikinbires ani ja non shinamana keska ikaxbiya noa moa lca jema ikaino ikaiki.

Ja moa nokoxon, rekenpari non jeneaki
ja axeamisni awin ja axeti xobo
Antonia Moreno de Cáceres
ikainko. Ja moa pakekin taxi
ikaikonix, noa oinanaiki, ja
ikaiki non yoiti jayonbiresa
itan non shinanbo
yoiti, ikaxbi noa ikaiki
onanamabo. Jatian
moa kai akin ja
axeamis en yoiyaiki:

—Min examen
pruebanpainriki.
Jatian jawen osanabi
ikaiki moa paxkina.

I. E. 22533
ANTONIA MORENO DE CÁCERES



Noara tiempoyoma ikaiki ja mesko joibo yoiti. Ja
ishtonresi noa moa kai ibekonaiki kikin ishton.
Japekao, ea kaiki ja encargado examen ati ikainko
jaskaxon yokanoxon akiai hora jikiti nenkeakin ixon.

—Akama, xepotira xepotai ja 8:30
yamekiri —ponteaki ea yoiyaiki— Tsoa
axeamisra jikiamai ja
hora winoketain akin.





Ea westiora carron colectivo akanaiton nanetaiki ja Tinguña ikainko kai, kikini paxkina itan kikini pikasi, jawe jantan piama ikax itan yamekiri jawekiamabi.

Ja noa rateyonkanai, noa ishtona iki. Ja axeamis ja examen ati ikaiki axeti xobo San Luis Gonzaga ikainko itan ea ikaiki axeti xobo distrito de la Tinguña akanainko. Noa moa kai ibekonaiki moara ea kai iki ja ikaiki moa en jawetianbi oinyamai ixon, ikaxbi kikin jakon shinanya itan jaton janebirestani onanyama.

Ja moa nokoxon axeti
xobonxo ja nokon
examen anoxon,
jakibi en yokaribiaki
akiakani ja horan jikiti
nenkeakin ixon.



—Jaskara riki, nonra jawe atipanyamai
jaskashaman atikoma —jaskakin ea yoiyaiki
ponteres. Jaskashaman atikoma, nokon
wita x ikaiki moa taweskenana itan
nokon shinan paxkina, ea jikiaki ja
axeti xobo ikainko jaskaxon examen
de nombramiento anoxon. Ja
paxkina itan pikasi ikaiki kikin jakoma,
ikaxbi nokon shinan ea neno
kaman nokota shinantanan
en koshi shinanaiki jaskaxon
atikoma jawekibo bebontani
en shinanaiki.



Tanannatanan jakiribi banéta

Jaskakin yoikana tsoabira moa hora winota pekao jikiamai akinjaskara iketian ea ishtonaiki jiki noxon. Ja aula ikain nokoxon, en oina ikaiki ea jawe maxkata jisa: bebon ja 50 % ja axeamisbo nokokanama ikaiki. Ja sala ikaiki jatsan yoyo ikibo ikanaiki ja ambiente ikaiko rateti. Ja manaibo kaman, westiora noticia jakoinra nokotaiki:

—Ja ikaiki ja examen jikiti nenkeana ja chonka westiora hora yamekiri kaman, ja ichaira axeamisbo nokokantikoma iketian ja carreterabo xepokana iketianja protesta akaibaon
—janra yoiyaiki ja westiora coordinado jato yoiyaiki jawen joinkan jato koshi shinan menikasaiki.

Jawen shinan itan jawekiakasai
ikaiki kikinbires jakoma. Janra
atipanaiki onpax xeakin itan jain
jisontiankores kati atipanaiki,
jabo itikoma ikaiki pikoti
ja axeti xobonkonias.
Ja chonka minutubores,
jatian ikanaiki nokoti
axeamisbo paxkinkanaibo.
Jato yokanaiki jaweskataxki
winokanaiki ja Barrio
Chino ikainoax:

—Noara taenbi joke ja rabe hora
iketain nete xabataitain —jaska
akin yoiyaiki ja joi ikaxbi ikaiki
kikini paxkina ja yoyo ikabi.
—Jara kikin jakoma jaweki
ikaiki, ikaxbi senentian
non nokoa iki.



—Jara kikin jakoma jaweki ikaiki, ikaxbi senentian non nokoa iki. Ja jakoma jaweki kikin onantibires ikaiki jatibiainko, itan kikin icha axeamisbo banekanaiki oxakanabi ja examen aki. Jatón atishinananbi jishtenkasabi itikoma itikoma ikaiki, ja paxkin jawekin kikin tenetima ikaiki ja examen akasabi. Nokon shinanmera, en jariki en shinanaiki enra nato examen apruebanai ixon. En nokon bake shinanaikim ja wetsa oxen jawen westiora baritia nokoi ixon.

Jaskara en shina akaiki jainxon en koshi shina biaiki enra atipanke ixon. Moa senentiain, ja moa jati tiempo senenketian, en meniaiki nokon examen en jakon aka ipainoriki ixon. Nokon shinanmeran, enra atipana kaman ake ixon. Ja resultabo pikotires manati ikaiki.

Ja moa axeti xobonkonias pikokin, en benaiki ja jawekiati. Jikitikoma ikaiki ja Chinka ikainko, jatian ikaiki viajatibo carrobo yama. Wetsa taxibo bokanaiki jabaon ofrecenaiki viajebo ja ruta ikatoninribi jan baiko ea joatoninribi ja Ica ikainko nokotaton, ikaxbi jawen kopi ikaiki bebon kopiora.



—Ikon ikaiki bebon koipiora? —en yokataiki ja westiora chofer.
—Jen jen, kikin atikoma riki
—akin ea yoiyaiki.


COMPAÑÍA DE BOMBEROS N° 171 OFELIA BANCHERO DE DATORRE



En shinanaiki baneti ja yame ja
compañía de bomberos ikainko, Ofelia Banchero de
Datorre 171, akaiki neskara servicio voluntario menikin. Ja
moa domingo iketian, moa jatibi jakonribaiki itan ea moa
xobon karibati jakon ikaiki nokon kaiboboiba, ja jakonres,
Ja moa ea joribati kikin jakon ikaiki itan Jokin en shinan
shinanberanaiki ja jaskara jawekibo ea winotabo.

Baín kakin shinanshinabainna

Ja moa xobon nokoxon, ea ikotaiki nokon awinman, papabaon, piobaon itan nokon bake osanya ikaiki, ea winota jaweki me kikin akonbires shinamemaiki. Ja en peowea jaweki ja examen akishokres kax janra esa aniakin shinamemaiki, westiora prueba ja manatia iti itan shinanti ja meskokeska jawekibo noa winoti itan wetsabo.





Ja xepokanabo ja carreterabo ikainko
itan ja protestabo jabaonra noa jakoma
akai non viaje, jara ikaiki westiora
problema kikin ani: ja maxkata non
derecho respetankanti itan wetsabaona.
Ja carreterabo riki kikin jakon jan jonibo
jakon bokanai itan jawekibo;

ja riki ja baibainko kax
jemankobo bokanaibo, janra
mia jikikanai serviciobo ja non
xobonko non maxkatabo. Xepokinra
non shinana jakoma akai ja noa
viajankasaibobichoma, jainribira non
kaiboboribi iki jakoma akai itan non
jemabo jatibi jain jakanabo, jato
jenai wetsankobires.

 **OSITRÁN**
**Supervisa esta
carretera**





Westiora yame kikin atikoma ikaiki ea axeakaiki kikin jakon ja protesta pasifica akanai ati. Ja riki derecho itan seguridad ja wetsabaonaribi. Ja violencia itan xepoto ja carreterabo jabaonra jakoma jaweki imai itan noibatiti. Ja protestabo akanti jake westiora canal jaskatax jakoni yoyo iti itab jakon jaweki nokoti, ja jakoma jaweki atima jakon jaweki benati jatixonbina.

Ja neskarabo ikaibi, jainxonribi en shinanaiki kikin jakon jaweki ja voluntariado atibo, kikin jakon ja senen ati jawekibo ja bombero voluntario ixon. Ikaxbi ea banetaiki nokon compañía de bonberosbo ikainko, jainxon en onanaiki jaskarabo akanao jawe kopimabi,



jaboriki kikin koshi shinanyabo jabora kikin atires iki jaskaxon akinti ja tiempobo emergencia, ikaxbi ja carretera xepokana iketian jabo kati koma ikai jato mawanaketian akintibo.

Ja voluntario ixonra min ofrecenai kikin jakon itan non jemabo, jainra min axeakai jawerin ja jakon jaweki jato akinti ixon, akinmis iti. Ja atikoma jawekibomiketian, jaea winota jisa, ja voluntarios bexon jakon jawekibo akanai.





Ja mona winota oinax,
jara ikaiki axetibichoma
jakoma jaweki iketian
ja westiora examen aki
nokonoxon. Jara ikaiki
westiora jainoax axeti
jaska akin non akai
jawekibaon non jakoma
ati wetsabo itan kikin jakon
jaweki jatikeaxbi teeti jato
respetanti itan noimis iti. Ea
axeaki ja jakoma jaweki noa winotaronki
jainoax noa axeai itan shinanto ja jakon jaweki
itan jaweska shinanboki non atiki ixon.

Ramatian ea itinke axeamis nombrado ja axeti
xobo John F. Kennedy de Chinchá ikainko.

ACTA DE EVALUACIÓN

FECHA: 23 de septiembre del 2024

Miembros del jurado: Ricardo González Vigil
Anahí Barrionuevo
Leonardo Dolores Cerna

Luego de realizada la evaluación de los cuentos participantes por el jurado calificador, conformado por Ricardo González Vigil, Anahí Barrionuevo y Leonardo Dolores Cerna, se procede a declarar a los ganadores del Séptimo Concurso de Cuentos "Ositrán, contigo por las rutas del Perú", en las categorías y en el orden de mérito señalado:

PUESTO	CUENTO	ALUMNO	I. E.	PROCEDENCIA
1.er puesto	El viaje de las comas	Matheo Valentino Rodríguez Aleman	Alexander Fleming	Arequipa
2.do puesto	El viaje de Osi	Lucero Shantal Fernández Shupingahua	Colegio de Alto Rendimiento (COAR) San Martín	San Martín
3.er puesto	La leyenda del Terminal y la Yacumama	Jhony Armando Retis Caballero	Colegio de Alto Rendimiento (COAR) Ucayali	Ucayali
Mención honrosa	¡Papá, viajaré alrededor del Perú con mi abuelo!	Marco Sebastian Cardozo Rosales	Colegio de Alto Rendimiento (COAR) Ucayali	Ucayali
Mención honrosa	El guardián de los caminos	Camila Luciana Rojas Alva	Sagrado Corazón de Jesús	Piura

PUESTO	CUENTO	DOCENTE	I. E.	PROCEDENCIA
1.er puesto	Caminos de prueba	Jerver Lenin Gonzales Toledo	John F. Kennedy	Ica


RICARDO GONZÁLEZ VIGIL
Presidente


LEONARDO DOLORES CERNA
Miembro


ANAHÍ BARRIONUEVO
Miembro



www.gob.pe/ositrn



Síguenos en:



ositrnperu



@ositrnperu



ositrnoficial



@ositrnperu



ositrn.pe



*Promoviendo
el talento y
la creatividad
literaria*